

Mesej ia i bin kam aot ariap mo oli bin usum long taem blong irapsen blong volkeno long Ambae mo olgeta we oli compaelem igat Assoc. Prof Tom Wilson blong University blong Canterbury, wetem input blong Eslie Bule mo Sandrine Ceuuard blong VMGD; Nico Fournier, Graham Leonard, mo Natalia Deligne blong GNS Science; Carol Stewart blong Joint Centre for Disaster Research; Assistant Professor Susanna Jenkins blong Earth Observatory of Singapore; Ritaed Professor Russel blong Macquarie University mo Ritaed Professor Robin Spence blong University of Cambridge. Taem moa infomesen blong impak blong volkeno i kam aot, moa analisis bae i kam aot, o moa impak hemi hapen, olgeta mesej ia bae oli jenis.

Yu save luk vesen namba mo date long top raet moa yu save daonlodem letes vesen blong ol ki mesej ia long:

<http://www.vmgd.gov.vu/vmgd/index.php/geohazards/volcano/volcano-info/resources>

General infomesen

- Hemi no isi blong kivim aot wan stret advaes blong ridusum damej blong hevi asis /ruf blong ol haos we ol man oli silip insaet long hem oli foldaon from i gat difren experiense raon long wol.
- Fulap kil oli hapen folem (laet, moderet, mo hevi) asis we i foldaon long taem blong klinap. Be, plenti det oli hapen folem ol hevi asis we i foldaon we hemi mekem se ol ruf oli foldaon/ol haos we igat man insaet – I bin gat rekot blong sam case olsem mo hemi no hapen oltaem olsem ol kil long taem blong klinap.
- Sipos yu wari se haos blong yu bae hemi foldaon from asis hemi mekem haos hemi hevi (speseli ol natangura ruf), we oli moa isi blong foldaon, go stap insaet long wan haos we ruf hemi kapa.
- Hemi impoten blong save ol saes blong asis (olsem smol-smol asis hemi moa hevi), asis we hemi wetwet (moa hemi wetwet moa hemi hevi), disaen blong haos, ol material we oli mekem haos wetem, isi wei blong save klinim asis antap long ruf, ol nara something long saet blong envaremen...ect
- Kontinu blong monitarem wanem i stap hapen long olgeta afekted eria mo mas save se wanem aksen hemi wok gud mo hemi impoten.

Mak blong taem Ruf bae hemi foldaon

- Yumi no save gud se long wanem tiknes/hevi load blong asis i mekem ruf i foldaon o damejem ol nara strakja blong haos. Mo tiknes blong asis hemi no wan yusful tul mesa – something we hemi mekem damej long haos hemi hevi load blong asis (weit) we hemi dipen plante long ol thing olsem ren mo saes blong asis we hemi spret aot long ol ples.
- 5 cm (faev sentimeta) blong ol smol-smol asis hemi generali wan gudfala kaed blong olgeta laet timba blong haos we oli save foldaon, be hemi save smol moa sipos asis hemi smol-smol mo hemi wetwet (hemi hevi moa). Hemi dipen plante long wanem kaen taep blong haos, kondisen blong haos, materiel blong haos, mekem se mak blong taem ruf bae hemi foldaon hemi save kam bigwan blong wan spesel haos.
- Ol longfala ruf oli moa isi blong foldaon long taem blong hevi load blong asis bitim ol nara ruf, mo ol olfala haos tu oli moa isi blong foldaon. Wan gudfala tinktink hemi blong luluk gud ol nogud sameting we asis i bin mekem taem hemi foldaon long past long ol eria wetem sem strakture blong haos olsem wan stat point.
- Stap insaet long ol stronk haos, hemi moa gud olgeta kapa ruf. Fulap long ol haos kapa oli gat brikis o stronk wall.
- Sipos yu putum sapot long ruf long taem blong asis we hemi foldaon, hemi save mekem load blong ruf hemi kam bigwan bifo hemi foldaon. Yu save usum timba slip folem ruf mo wan mo long flo afta stikim wan moa timba o aian post hemi stanap kasem flo blong haos olsem sapot. Be hemi dipen sapos i gat olgeta materiel ia.

Klinim aot asis long ruf

Fulap kil long taem blong asis i foldaon oli hapen long taem blong klinim ruf, olsem taem yu foldaon long ol ruf blong haos. Hemi wan hadwok blong klinim ruf from asis hemi mekem ples i klis mo i gat fulap das mekem yu no save lukluk gud mo hadwok blong pulum win (save mekem skin moa ae sikras). **Be ol det we oli stap hapen long taem blong asis i foldaon hemi folem ruf blong haos we i foldaon /ol haos we i gat man insaet.**

- Folem ol toktok ia, impoten ki hemi **‘Wanem hemi mak blong tiknes blong asis blong klinim ruf long taem blong asis taem i foldaon blong ol haos we ol man oli stap insaet?’** Ol enginia, akitek mo ol saentist we oli stap stadi long asis we i mekem ol ruf oli foldaon oli talem se:
 - Sipos yu stap long wan haos we i gat hevi asis long hem, sef samting hemi blong yu muv i go long wan nara haos. Be samtaem hemi no isi sipos hemi nogat wan nara haos o i gat woning olsem hip blong asis we hemi paelap hariap i kam moa hevi (folem daereksen blong win o volcano hemi sakem moa asis).
 - Ol haos we man i stap insaet long hem, lukluk gud haos blong save sipos i gat jenis long ol thing we oli holem haos folem load blong asis. Lukaotem ol ples olsem post blong haos, ruf blong haos, o wol blong haos hemi stap pen smol-smol, hemi saen blong stat klinim ruf - sapos hemi sef mo isi blong mekem.
 - Sipos yu luk se i no sef, muv aot long haos.
- Long ol case we hemi gat denja blong ruf hemi foldaon folem asis we hemi hevi, gudfala taem blong stat klinim asis long ruf hemi taem dip blong asis hemi araon 2-3 cm afta brum o rekem aot. Jajem gud from ol saes blong asis oli difren.
- Save se hemi no isi blong klinim ruf taem asis hemi stap foldaon. Sipos hemi posibol, weit taem asis hemi stop blong foldaon yu save klinap.
- Ol wok blong mekem aotsaet long ol ples we asis i stap long hem, yu mas werem ol longfala han shet mo traosis, blokem nus, ae mo maot, mo werem hat. Washem gud ol klos afta mo swim gud. Taem yu klinap yu save mekem asis i go olbaot baeken, so mekem sua se ol pikinini, ol olfala mo ol woman we oli gat bel oli no stap klosap.
- Yu mas klinap long ol eria antap long ruf we oli flat lelebet from asis hemi stap paelap long olgeta ples ia mo mekem hemi moa hevi bitim ol narafala eria antap long ruf.
- Hemi impoten tumas blong karem aot asis insaet long ol pahipe blong ren wota (sipos oli konekte i stap) long saet blong haos from asis i save paelap insaet long olgeta. Hemi impoten blong putum ol pahipe long we long asis from oli usum olgeta blong karem wota blong ren long Ambae.
- Sipos ruf blong haos hemi no stronk, hemi no sef blong man i hemi stap long hem blong klinim aot asis. No traem blong klaem long ruf. Ples bae hemi klis, asis hemi hevi so hemi no isi blong balensem yu taem yu stap klinap, mo wetem load blong yu long ruf (at lis bifo yu stat klin). Sipos yu no save avoidem: putum lada o wan flat timba blong go antap long ruf bifo asis hemi stat foldaon – be ol samting olsem hemi no rili hapen long laef. Sipos yu putum nogud bae hemi mekem yu kil.

Karem aot asis mo kavremap asis



Sam wei blong mekem asis i no go olbaot baeken taem i stap long graon hemi impoten, be hemi tekem taem mo hemi mekem hadwok. Hemi gud blong yu kavremap asis we i paelap long graon wetem ol bigfala lifs (olsem lif blong kokonat, stampa blong banana) mo putum stone antap long hem (o graon hemi moa gud). Sapos yu wantem karem aot asis ia afta yu save putum insaet long plastik bag mo fasem gud. No putum tumas asis insaet long ol plastik, asis hemi hevi tumas, mo hemi mekem plante kil o problem long bak taem yu muvum olgeta.

